



Број/Број: **01/2a-50-3-2-7/11**

Сарајево/Sarajevo: 1.9. 2011.

**Predmet: Zabilješka sa sastanka predsjedavajućeg Komisije za vanjske poslove Mirze Kušljugića s ambasadorom Izraela u Bosni i Hercegovini Davidom Cohenom**

U utorak, 30.8.2011., održan je sastanak predsjedavajućeg Komisije za vanjske poslove Mirze Kušljugića s ambasadorom Izraela u Bosni i Hercegovini Davidom Cohenom. Mirza Kušljugić je na početku poželio dobrodošlicu gosp. Davidu Cohenu koji se zahvalio na izdvojenom vremenu za sastanak.

Ambasador David Cohen istakao je da mu je namjera da poboljša i produbi odnose između Izraela i Bosne i Hercegovine. On je istakao da je veteran u vanjskoj politici, da je već bio ambasador u nekim zemljama te da namjerava uspostaviti bolje odnose s Komisijom za vanjske poslove. Kazao je da želi da vidi ima li mogućnosti da u ime predsjednika Komisije za vanjske poslove u izraelskom parlamentu pozove Komisiju za vanjske poslove Predstavničkog doma PSBiH u posjetu njegovoj zemlji.

Uz to kazao je da je pratio izjave trojice članova Predsjedništva BiH, prilikom posjete palestinskog predsjednika Mahmuda Abasa, iz kojih mu je jasno da je stav članova Predsjedništva BiH Bakira Izetbegovića i Željka Komšića da će podržati unilateralno proglašenje nezavisnosti Palestinske države. U vezi s tim kazao je da želi malo pojasniti situaciju u vezi s tim.

Predsjedavajući Komisije za vanjske poslove Mirza Kušljugić kazao je da mu je poznata situacija u vezi s proglašenjem Palestinske države. Istakao je da je, prema Ustavu BiH, vanjska politika u nadležnosti Predsjedništva BiH te da će odluka o glasanju u Generalnoj skupštini UN-a u vezi s proglašenjem Palestinske države biti donesena u Predsjedništvu BiH. Mirza Kušljugić dodao je da je saradnja između parlamenata Izraela i Bosne i Hercegovine dobrodošla kao i uspostavljanje ekonomske saradnje gdje bi svakako prvi korak bio posjeta članova Komisije za vanjske poslove PDPSBiH Komisiji za vanjske poslove Parlamenta Izraela.

Ambasador David Cohen kazao je da mu je, iako je vanjska politika u nadležnosti Predsjedništva BiH, dužnost da upozna Komisiju za vanjske poslove PDPSBiH da Izrael nije protiv proglašenja Palestinske države. Čak se i današnja izraelska Vlada, kad je došla na vlast prije dvije godine, izjasnila jasno da je za dvije države te da nema ništa protiv deklaracije o uspostavljanju Palestinske države ali da je do toga je potrebno doći dogovorom, kazao je David Cohen. Ambasador Cohen uputio je zvaničan poziv Komisiji za vanjske poslove PDPSBiH da posjeti Izrael kada bi, osim Izraela, posjetila već i palestinske vlasti na čijem čelu je Mahmud Abas.

Mirza Kušljugić kazao je da u Bosni i Hercegovini još nije formirano Vijeće ministara i da je to trenutno prioritet te da takva posjeta nije moguća sljedećih nekoliko mjeseci ali da ćemo rado posjetiti Izrael čim se za to steknu uslovi. On je ponovio da će se odluka o

glasanju u Generalnoj skupštini UN-a što se tiče unilateralnog proglašenja Palestinske države donijeti u Predsjedništvu BiH.

Ambasador Cohen rekao je da se nada da će Bosna i Hercegovina biti suzdržana te da očekuje uspostavljanje boljih prijateljskih odnosa između dvije države.

Predsjedavajući Komisije za vanjske poslove istakao je da podržava pristup uspostavljanja boljih prijateljskih odnosa između dvije države na osnovu saradnje između njihovih parlamenata.

Sastanak je završen obostranim očekivanjem da će posjeta Izraelu biti realizirana u skorije vrijeme te uspostavljena bolja saradnja između parlamenata dvije države.

Zabilješku sačinio:

Miroslav Stanišić, stručni saradnik u Komisiji za vanjske poslove PDPSBiH

PREDSJEDAVJUĆI KOMISIJE

Mirza Kušljugić

Dostavljeno:

- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za međunarodne odnose i protokol
- a/a